


نومرو ۱۹

[ایکنجی سنه



خزینہ اوراق

مؤسسی

محمود جلال الدین

تاریخ طبعی

۲۵ جمادی الاخر سنه ۱۳۰۳

تاریخ تأسیسی

۱ مایس سنه ۱۲۹۷

بو رسالهء ادبیہ جمعہ ایرتسی کونلری حیقار

ضیا پاشا مرحومك هنوز نشر اولمیان بر اثر-
لرزدن دركه مرض موت حالنده سویله مشلردره. یالکز
بر ایکی پارچه سی تبرکاً خزینه یه الندی :

هرکیم ایله حسب حال ایتسهك اجیر کویا سکا
حالدن سندن زیاده کندی ایلر اشتکا
منفعت بختنده اما ایلمز اصلا حیا
بولسه کر فرصت سکا ایلر خصومت اوللا
هرکسه اولمش ایکن مشرب بو تزویر وریا
کار عاقلمی نفسنی ایتمک فدا !!
چاره سز حکم وزمانه بویله ایلر اقتضا !
طوت بو نصیح پندی بندن یادکار اولسون سکا
درده اوغرار کیم صداقت . . .

§

بر زمانلر بن دخی دوشدم بلای غیرته
طوغریلقله اوغرادم بیک درلو درد وزحمته
که وطندن ایریلوب کیتدم دیار غربته
عاقبت اولدم کرفتار اشبو مهلك علتته

فکر ایچون کورمک بنی کافیدر اهل عبرته
خیلی دمدر بیلمدم باعث ندر بو حالته
شمدی اولدم دوستلر واقف بوسر و حکمته

§

تکریر مکرر

درده اوغرار کیم صداقت . . .

.....

سن دوشرسک کیمسهلر کلز سنک امدادینه
دستگیر اولدقلرک حتی یتشمز دادکه
ختده ایلرلر اوزاقدن جمله سی فریادکه
دقت ایتمزلر سنک استحقاق واسعتدادکه
کندک ایتمه سعی و همت کندیکک بر بادکه !
سندن اول سعی ایدن اسلاف کلسون یادکه
یوقسه رحمک کندینه باری اجی اولادکه
وار ایسه عقلک اگر مجنون دیدیرمه ادکه

§